

ԱՐՁԱՆԱԳՐՈՒԹՅՈՒՆ N 05
Վիճակագրության պետական խորհրդի նիստի

23.03.2007

Ժ.10.00

Մասնակցում էին՝

Ս. Մնացականյան (*խորհրդի նախագահ*), Գ. Անանյան, Վ. Դավթյան, Վ. Դանիելյան, Յու. Պողոսյան, Ա. Աղազարյան (*խորհրդի անդամներ*)
Հ. Գրիգորյան (*խորհրդի քարտուղար*)

Հրավիրված էին՝

Լ. Միրզոյան (ԱՎԾ նախագահի տեղակալ), Ա. Հայրապետյան (ԱՎԾ աշխատակազմի ղեկավար), Զ. Միրզոյան (ԱՎԾ նախագահի գլխավոր խորհրդական), Վ. Սարոյան (ԱՎԾ աշխատակազմի իրավաբանական բաժնի պետ), Գ. Գյուրջյան (Վիճակագրական աշխատանքների մեթոդաբանության և դասակարգիչների բաժնի պետ), Ա. Սաֆյան (ԱՎԾ աշխատակազմի միջազգային վիճակագրական համագործակցության բաժնի պետ), Ա. Հարությունյան (ԱՎԾ աշխատակազմի առևտրի և այլ ծառայությունների վիճակագրության բաժնի գլխավոր մասնագետ):

Օրակարգի նախագծում՝ 4 հարց.

1. «ՀՀ վիճակագրության պետական խորհրդի 2005թ. նոյեմբերի 7-ի թիվ 21-Ն որոշման մեջ փոփոխություններ և լրացում կատարելու մասին» հարցը:

/Զեկուցող՝ Ա. Հարությունյան/

2. «Հայաստանի Հանրապետության 2004-2006 թվականների պետական վիճակագրական աշխատանքների եռամյա ծրագրի կատարման հաշվետվությունը հաստատելու մասին» հարցը:

/Զեկուցող՝ Գ. Գյուրջյան/

3. Հաղորդում արտասահմանյան գործուղման հաշվետվության մասին՝ «ՄԱԿ վիճակագրական հանձնաժողովը և գլոբալ վիճակագրական համակարգը. “ճանապարհի դեպի առաջ” խորագրով բարձր մակարդակի ֆորում և ՄԱԿ վիճակագրական հանձնաժողովի 38-րդ հորելյանական նստաշրջան»:

/Զեկուցող՝ Ս. Մնացականյան, Ա. Սաֆյան/

4. Այլ հարցեր:

ՀՀ Վիճակագրության պետական խորհրդի նախագահի կողմից ներկայացվեց խորհրդի նիստի օրակարգի նախագիծը, որը հաստատվեց ամբողջությամբ և միաձայն:

/Բվեարկության արդյունքները- կողմ՝ 6, դեմ՝ 0, ձեռնպահ՝ 0/

Լսեցին՝

1. «ՀՀ վիճակագրության պետական խորհրդի 2005թ. նոյեմբերի 7-ի թիվ 21-Ն որոշման մեջ փոփոխություններ և լրացում կատարելու մասին» հարցը:

/Զեկուցող՝ Ա. Հարությունյան/

Որոշեցին՝

Հայաստանի Հանրապետության վիճակագրության պետական խորհրդի 2005 թվականի նոյեմբերի 7-ի «Առևտրի շրջանառության ծավալի մասին» ձև թիվ 1-Առևտուր (ամսական) պետական վիճակագրական հաշվետվության ձևն ու լրացման հրահանգը հաստատելու մասին» թիվ 21- Ն որոշման (այսուհետ՝ որոշում) մեջ կատարել հետևյալ փոփոխությունները և լրացումը.

1. Որոշման վերնագրից, 1-ին կետից, որոշման 1-ին կետով հաստատված հրահանգի (այսուհետ՝ հրահանգ) վերնագրից և հրահանգի 1.1 կետից, «Առևտրի շրջանառության ծավալի մասին» ձև թիվ 1-Առևտուր (ամսական) պետական վիճակագրական հաշվետվության ձևից հանել «ծավալ» բառը՝ համապատասխան հղովաձևերով:

2. Հրահանգի 2-րդ՝ «Հիմնական հասկացություններ» բաժնի 2.3 կետում «երբ գնորդն ապրանքներ է ձեռք բերում դրանց հետագա վերավաճառքի կամ մասնագիտական (վերամշակում և հետագա վաճառք) օգտագործման նպատակով» բառերը փոխարինել «երբ գնորդը մեծ խմբաքանակով ապրանքներ է ձեռք բերում դրանց հետագա վերավաճառքի համար այլ վաճառողներին, վերամշակողներին, բայց ոչ վերջնական սպառողներին՝ համապատասխան հաշվարկային փաստաթղթերով» բառերով:

3. Հրահանգի 3-րդ՝ «Լրացման կարգը» բաժնի.

ա) 3.1 կետում «(ընդունված ՀՀ Վիճակագրության պետական խորհրդի 24.07.2001թ. 58 որոշմամբ և հրապարակված ՀՀ Գերատեսչական նորմատիվ ակտերի 14.11.2001 թ. թիվ 19 տեղեկագրում)» բառերը փոխարինել «(հաստատված Հայաստանի Հանրապետության առևտրի և տնտեսական զարգացման նախարարի 2006 թվականի նոյեմբերի 22-ի թիվ 231-Ն հրամանով և հրապարակված Հայաստանի Հանրապետության Գերատեսչական նորմատիվ ակտերի 2006 թվականի դեկտեմբերի 25-ի թիվ 30¹ տեղեկագրում)» բառերով:

բ) 3.2, 3.3 և 3.5 կետերում նշված «վաճառքի ծավալները» բառերը փոխարինել «վաճառքը» բառով:

գ) 3.6 կետը լրացնել նոր պարբերությամբ՝ հետևյալ բովանդակությամբ. «Ցուցանիշը ներառում է միայն Հայաստանի Հանրապետության տարածքում իրականացված մեծածախ առևտուրը»:

/Նորմատիվ/

/Բվեարկության արդյունքները- կողմ՝ 6, դեմ՝ 0, ձեռնպահ՝ 0/

2. «Հայաստանի Հանրապետության 2004-2006 թվականների պետական վիճակագրական աշխատանքների եռամյա ծրագրի կատարման հաշվետվությունը հաստատելու մասին» հարցը:

/Զեկուցող՝ Գ. Գյուրջյան/

Որոշեցին՝

1. Հաստատել Հայաստանի Հանրապետության 2004-2006 թվականների պետական վիճակագրական աշխատանքների եռամյա ծրագրի կատարման հաշվետվությունը՝ համաձայն հավելվածի:

2. Հայաստանի Հանրապետության 2004-2006 թվականների պետական վիճակագրական աշխատանքների եռամյա ծրագրի կատարման հաշվետվությունը օրենքով սահմանված կարգով ներկայացնել Հայաստանի Հանրապետության Ազգային ժողով:

/Անհատական/

/Բվեարկության արդյունքները- կողմ՝ 6 դեմ՝ 0, ձեռնպահ՝ 0/

3. Հաղորդում արտասահմանյան գործուղման հաշվետվության մասին՝ «ՄԱԿ վիճակագրական հանձնաժողովը և գլոբալ վիճակագրական համակարգը. “ճանապարհի դեպի առաջ” խորագրով բարձր մակարդակի ֆորում և ՄԱԿ վիճակագրական հանձնաժողովի 38-րդ հորելյանական նստաշրջան»:

/Զեկուցող՝ Ս. Մնացականյան, Ա. Սաֆյան/

Որոշեցին՝

«ՄԱԿ վիճակագրական հանձնաժողովը և գլոբալ վիճակագրական համակարգը. “ճանապարհի դեպի առաջ” խորագրով բարձր մակարդակի ֆորում և ՄԱԿ վիճակագրական հանձնաժողովի 38-րդ հորելյանական նստաշրջանը» հաշվետվության մասին հաղորդումը ընդունել ի գիտություն:

/Անհատական/

/Բվեարկության արդյունքները- կողմ՝ 6, դեմ՝ 0, ձեռնպահ՝ 0/

ՆԱԽԱԳԱՀ

Ս. ՄՆԱՅԱԿԱՆՅԱՆ

ՔԱՐՏՈՒՂԱՐ

Հ. ԳՐԻԳՈՐՅԱՆ

